



Kujtesa Net
Fiton Peja
Drejtor
Prishtinë

Rasti Nr. 2016/215
Ref:1903/404/KPM/mf

VENDIM

Lidhur me Rastin nr. 2016/215 – Komisioni i Pavarur i Mediave (KPM) për Kujtesa Net SH.P.K. (Pala përgjegjëse)

Faktet

1. Pala Përgjegjëse është pajisur me Licencë të KPM-së me datën 1 gusht 2018. Pranimi dhe nënshkrimi i Licencës obligon të Licencuarin që të veprojë në përputhje me Ligjin e KPM-së dhe me të gjitha aktet nënligjore të miratuara nga KPM.
2. Komisioni i Pavarur i Mediave (KPM) ka miratuar Rregulloren KPM-2016/01 për Shpërndarjen e Ofruesve të Shërbimeve Mediale Audio dhe Audiovizuale, e cila ka hyrë në fuqi më 28 korrik 2016. Me këtë Rregullore janë përcaktuar rregullat dhe procedurat për shpërndarjen e ofruesve të shërbimeve mediale nga ana e operatorëve, të cilët pavarësisht teknologjisë së përdorur, shpërndajnë përmbajtje audio dhe audiovizuale.
3. KPM, me qëllim të mbikëqyrjes së zbatimit të kësaj Rregulloreje nga ana e operatorëve të shpërndarjes, ka iniciuar monitorim specifik për disa aspekte të caktuara që konsiderohen si obligime të reja dhe shtesë që dalin nga Rregullorja KPM-2016/01.
4. KPM në bazë të Raportit të monitorimit të datës 13 tetor 2016 ka gjetur se në monitorimin e Palës përgjegjëse të bërë me datën 12 tetor 2016, lidhur me ndryshimet e bëra në Rregulloren KPM-2016/01, Pala përgjegjëse nuk ka vendosur një sistem/opsion për ri-renditjen e kanaleve (katalogut të kanaleve) sipas kërkesës së klientit.
5. KPM pas të gjeturave nga Raporti i monitorimit, me datën 4 nëntor 2016 i ka dërguar Palës përgjegjëse Njoftim për shkelje, me të cilin e ka njoftuar për shkeljet e bëra dhe i ka kërkuar që në afat prej pesë (5) ditësh të veprojë në pajtim me Rregulloren KPM-2016/01. Po ashtu, në Njoftim është paralajmëruar që dështimi për të ardhur në pajtueshmëri do ta shtyjë KPM-në të ndërmarrë masa ligjore ndaj Palës përgjegjëse për shkeljet e bëra.

6. KPM nuk ka pranuar asnjë përgjigje nga Pala përgjegjëse pas Njoftimit për shkelje në lidhje me ri-renditjen e kanaleve.
7. KPM ka bërë monitorim të dytë të Palës përgjegjëse në lidhje me ri-renditjen e kanaleve dhe ka gjetur se një gjë e tillë nuk është e mundur. Pala përgjegjëse mundëson vetëm krijimin e një grupimi të kanaleve (liste të preferuar), e cila nuk garanton ri-renditjen e kanaleve sipas kërkesës së klientit.
8. KPM me datën 26 shtator 2017 nxori Vendim në të cilin Palën përgjegjëse e sanksionoi me Vërejtje dhe i kërkoi që nga data 1 janar 2018 të mundësojë ri-renditjen e kanaleve.
9. KPM me qëllim të mbikëqyrjes së zbatimit të Vendimit të Komisionit ka iniciuar monitorim me datën 19 janar 2018 dhe në bazë të Raportit të monitorimit të datës 24 janar 2018 ka gjetur se Pala përgjegjëse nuk e ka funksionalizuar mundësinë e ri-renditjes së kanaleve, mirëpo e mundëson grupimin e tyre në disa lista të ndryshme nga lista bazë, por në ato lista renditja e kanaleve e ruan rendin logjik numerik nga kanali i parë deri te i fundit.
10. KPM sërish në vitin 2018 bëri monitorim për të vlerësuar pajtueshmërinë e Palës përgjegjëse me Rregulloren KPM-2016/01. Në bazë të Raportit të monitorimit të datës 8 nëntor 2018 KPM ka gjetur se gjendja nuk ka ndryshuar. Pala përgjegjëse vazhdon të mos e mundësojë ri-renditjen numerike të kanaleve për përdoruesit e saj.
11. KPM edhe në vitin 2019 bëri monitorim për të vlerësuar pajtueshmërinë e Palës përgjegjëse me Rregulloren KPM-2016/01. Në bazë të monitorimit të datës 19 mars 2019 KPM ka gjetur se gjendja nuk ka ndryshuar. Pala përgjegjëse vazhdon të mos e mundësojë ri-renditjen numerike të kanaleve për përdoruesit e saj.

Analiza Ligjore

12. Komisioni i KPM-së bazuar në faktet dhe analizat e lartpërmendura konstaton se Pala përgjegjëse ka bërë shkelje të nenit 16, paragrafi 3, të Rregullores KPM-2016/01.

Neni 16, paragrafi 3, i Rregullores KPM-2016/01 përcakton se:

“I licencuari obligohet të sigurojë që përdoruesi të ketë mundësinë të bëjë ri-programimin e renditjes numerike të programeve në pranuesin e rrjetit të cilin e posedon apo shfrytëzon, njësoj sikurse edhe të drejtën e grupimit të programeve apo edhe “kontrollit prindëror” duke filluar pas kanalit informues e deri tek kanali i fundit në kuadër të pakos programore.”

13. KPM ka gjetur se Pala përgjegjëse nuk e mundëson ri-renditjen e kanaleve sipas kërkesës së klientit, por e mundëson krijimin e një liste të re favorite, si grupim të programeve. KPM, pas analizimit të fakteve, gjendjes aktuale dhe duke u bazuar në nenin 16, paragrafi 3, ka gjetur se ky nen përfshinë tri detyrime të operatorëve të shpërndarjes: 1) ri-programimin e renditjes numerike të programeve në pranuesin e rrjetit të cilin e posedon

